



ISTITUT CULTURAL LADIN
Majon di Fascegn

Sèn Jan, ai 11 de dezember 2018

COMUNICAT STAMPA

Istitut Cultural Ladìn RADUNANZA GENERÈLA DE L'ISTITUT CULTURAL LADIN

Lunesc ai 17 de dezember 2018 – da les 18.00 aló dal Museo Ladìn, Sala Luigi Heilmann

Desché ogne an, l'Istitut tegnarà sia Radunanza Generèla perveduda dal Statut per portèr dant i resultac de sia atività e tor sù idees e reflescions per l davegnir.

Chest an, l'apuntament arà n segnificat del dut particulèr, ajache aldò de la normative, va fora l secondo e ultim mandat de Tone Pollam desche President de l'Istitut, e te curt temp la Provinzia cognarà nominèr l nef Consei de Aministrazion e l nef President.

Te chesta ocasion à confermà sia partezipazion ence l nef President de la Provinzia Autonoma de Trent, Maurizio Fugatti, che a chesta vida podarà tor n prum contat col mond culturèl ladìn, e dantaldut co l'Istitut che da passa 40 egn laora per documentèr, tegnir sù e valorisèr l lengaz e la cultura ladina.

Ajache l'é de gran emportanza che giusta te chesta ocasion la Comunanza de Fascia fae sentir sia ousc e sia prejenza, l President Pollam envia de cher i raprezentanc istituzionèi, i esponenc de la sociazions, de la categories economiches e turistiche, de la scola e del mond culturèl ladìn a chesta scontrèda da olache pearà via n nef percors ence per nosc Istitut envers neva endesfides e neves obietives.

Al scomenz de la radunanza vegnirà moscià per la pruma outa, al President Fugatti e a duta la jent, l video musical realisà da l'Istitut su "La cianzon de Val de Fascia", con test de Francesco del Garber e musega de Luigi Canori per solisc', cor e orchestra, che se podessa conscidrèr desche la "chèrta de identità" de Fascia ladina.

Ve speton donca:

Lunesc ai 17 de dezember, da le sie domesdi, te sala L. Heilmann del Museo Ladìn

FC